



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et
Ivdicis Apostolici designati pro Tribunali Nunciaturæ
Hispaniæ, ac insignis Ecclesiæ Vimaransensis Thesaurarij
Maioris, Collectanea Doctorvm, Qui ...**

Barbosa, Agostinho

Venetiis, 1643


Sessio I.

urn:nbn:de:hbz:466:1-14108



COLLECTANEA DOCTORVM

In varia Concilij Tridentini Decreta,
& Canones.



SESSIO PRIMA.

Decretum de inchoando Concilio.

- 1 Concilia generalia an errare possint.
- 2 Papa dispensat super Concilium generale si de eo faciat expressam mentionem.
- 3 Episcopus dispensat contra Concilium.
- 4 Episcopus ex magna causa necessitatis, vel utilitatis dispensat contra Concilium.
- 5 Decreta omnia Concilii Tridentini continent decretum irritans.
- 6 Literę, & constitutiones contra Concilium Tridentinum reducendę sunt ad Ius commune.

PLACET ne vobis, ad laudem & gloriam sanctę & indiuiduę Trinitatis, Patris, & Filij, & Spiritus sancti, ad incrementum & exaltationem fidei, & religionis Christianę, ad extirpationem hæresum, ad pacem, & vnionem Ecclesię, ad reformationem Cleri, & populi Christiani, ad depressionem, & extinctionem hostium Christiani nominis decernere, & declarare, sacrum Tridentinum & generale Concilium incipere, & inceptum esse? *Responderunt, PLACET.*

Indictio futurę Sessionis.

Et cum proxima sit celebritas Natiuitatis Domini nostri Iesu Christi, & subsequantur alię festiuitates labentis & incipientis anni, placetne vobis primam futuram Sessionem habendam esse die Iouis post Epiphaniam, quę erit septima mensis Ianuarij anno Domini M. D. XLVI. *Responderunt, PLACET.*

1. **D**E Conciliorum generalium auctoritate, & an illa errare possint, & ab alio quã a Romano Pontifici congregari valeant, dixi latę in collect. ad cap. Canones 15. disp.
 2. An Papa dispenset super Concilium generale? Affirmatiue respondent, si de eo faciat expressam mentionem, & non sufficere clausulam derogatoriã, Cott. in memor. verb. Clausula Non obstanti Rebuff. in aurb. Habita, verb. excommunicatione pag. mibi 580. cum seq. C. ne filius pro patre, & in practi. benef. tit. de dispensat. super defectu natalium, n. 24. Gutier. practi. l. 3. q. 17. n. 231. Aloyf. Rice. in collect. decis. p. 4. collect. 1367. propositio Henrici in summ. l. 13. c. 57. §. 1. Zerol. in practi. Episc. p. 2. verb. absolutio, vers. dico 5. Flores de Mena var. l. 1. q. 10. num. 50. Verall. decis. 268. n. 3. p. 1. Vital de Campan. in tract. clausul. pag. 11. col. 1. num. 2. Marc. Antonin. var. resol. l. 1. resolut. 58. num. 6. Bonacin. de censur. disp. 1. q. 3. Barbos. Collect. in Concil. Triid.
- puncto 2. n. 4. in fine. Borg. Caualean. p. 1. decis. 29. n. 16. Capan. in diuers. Iuris Canon. rubr. 12. c. 13. n. 154. vers. in causis. & rubr. 11. c. ult. n. 27. Hieron. Fernandez, de Ottero in repet. c. 1. de iudic. n. 10. Monet. de commutat. vltim. volunt. c. 5. n. 165. Stephan. Gratian. discept. forens. c. 397. n. 35. Fr. Emman. q. Regular. tom. 1. q. 3. art. 10. & tom. 3. q. 26. art. 2. & q. 39. art. 4. Azor. in sit. moral. part. 2. l. 5. c. 14. q. 6. Valer. Reginald. in practi. fori pontif. l. 5. n. 2. Nicol. Garc. de benef. p. 4. c. 5. n. 30. Ego ipse de officio & potest. Episcopi p. 2. alleg. 33. n. 24. & in tract. de clausulis usus, q. el. ans. 82. n. 13. Rot. in Valentin. decimarum 8. Februarij 1588. coram Orano, & in Conchen. exemptionis decimarum 13. Martij 1589. corã eodẽ, & in eadẽ 9. Decembris 1602. coram Penta, quas citat Anton. Ricciul. de iure personarũ ex vna gremiũ Ecclesię existentũ l. 5. cap. 14. num. 16. & lib. 8. cap. 4. num. 6. vbi n. 7. aduertit, quod in decretis Concilij Tridentini, vbi non reperitur expressum,

A

pressum, quod debeat fieri derogatio specifica, intelligitur facta ex claus. Non obstantibus constitutionibus Apost. & alijs similibus clausulis generalibus, & citat Rot. in causa s. Angeli pensionis 16. Decembris 1594. coram Illustriss. Card. Pamphilio, & in Bononien. Prioratus 9. Iulij 1606. coram Patriarcha Manzanedo. de quo etiam Steph. Gratian. discept. forens. tom. 5. cap. 940. & 963. Ioan. Antonin. Massobr. in praxi habendi concursus, reg. 17. dub. 4. num. 8.


3. Episcopus vero, an contra Concil. dispensare valeat? Negant glos. verb. in etate, in cap. cum dilectus, de elect. Rebuff. in tract. nomin. quest. 5. n. 30. Guttier. de Iurament. confirm. p. 1. c. 51. num. 24. Canon. lib. 1. cap. 5. n. 10. Henriquez d. cap. 57. §. 1. lit. C. Stephan. Gratian. d. cap. 397. num. 33. Valer. Reginal. in praxi fori pœnit. lib. 31. cap. 27. num. 202. in princip.

4. Sed an possit ex magna causa necessitatis, vel utilitatis? Affirmant Tiraquell. de pœnis tempor. in presut. n. 31. Lamberun. de iurepatron. p. 1. l. 2. art. 19. §. 17. princ. num. 2. Cott. in memorab. verb. Episcopus Brunor. à Sole in locis communib. verb. dispensatio 1. Rebuff. in praxi tit.

de dispensation. ad plura beneficia, ex num. 30. Spin. in seculo testament. glos. 15. princ. à num. 8. Humada in l. 5. glos. 12. in fine; vers. limitati, tit. 5. part. 1. Sanchez de Matrim. l. 2. disp. 40. à num. 2. Cened. pract. & Canon. quæst. lib. 1. q. 30. à num. 5. Monet. de commutat. ultim. volunt. cap. 5. num. 179. Mich. Grassi. tom. 1. commun. opin. l. 1. tit. 2. n. 67. ubi resoluit, Episcopum posse dispensare super Concilium ex magna causa necessitatis, vel utilitatis, quando Concilium vel permutat dispensare, vel loquitur impersonaliter, vel verando, vel permitiendo, vel imponendo aliquam pœnam.

An omnia decreta Concilij Trident. contineant decretum irritans? Affirmant per constitutionem Pij IV. Flamin. Part. de resignat. benefice. lib. 4. quæst. 9. num. 28. Gonzal. ad reg. 8. Cancel. glos. 15. n. 37. Campan. in diuers. Iuris Canon. rubr. 11. c. 13. n. 109. Ioan. Franc. Fagnan. in tract. de iustitia & valid. consur. p. 4. vers. Nond adiducitur.

Utrum autem literæ & Constitutiones contra Concil. Trident. reducendæ sint ad Ius commune? Affirmatiuè proprio motu definiuit Gregor. XIII. prout attestatur Henriquez in summ. lib. 6. cap. 6. §. 6. in glos. lit. B.



SESSIO. II.

Decretum de modo viuendi, & alijs in Concilio seruandis.

- 1 Spiritus sanctus Concilio Generali legitimo assistit.
- 2 Concilia generalia auctoritate Papæ legitime congregata in Fidei, & morum definitione errare non possunt.
- 3 Concilio generali an oēs Christi fideles interesse debeant.
- 4 Episcoporum manus quale.
- 5 Familiares Episcoporum quales.
- 6 Ordo in sedendo quis seruandus in Concilio generali.

Jacob. I.



Acrosancta Tridentina Synodus, a in Spiritu sancto legitime congregata, in ea presidentibus eisdem tribus Apostolicæ Sedis Legatis, agnosces cū beato Iacobo Apostolo quod omne datum optimum, & omne donum perfectum delatum est, descendens à Patre luminum, qui ijs, qui postulant à se sapientiam, dat omnibus affluenter, & non impropereat eis, & simul sciens, quod initium sapientiæ est timor Domini; statuit, & decreuit, & omnes & singulos Christi fideles, in ciuitate Tridentina congregatos, exhortandos esse prout exhortatur, vt se à malis & peccatis hæcenus commissis emendare, ac de cætero in timore Domini ambulare, & desideria carnis non perficere, orationibus instare, sæpius confiteri, Eucharistia Sacramentum sumere, Ecclesias frequentare præcepta denique Dominica, quantum quisque poterit, adimplere, necnon quotidie pro pace Principum Christianorum, & vnitæ Ecclesiæ priuatim orare velint; Episcopos verò, & quoscumque alios, in ordine sacerdotali constitutos œcumenicum Concilium in ea ciuitate concelebrantes, vt assidue in Dei laudibus incumbere, hostias, laudes, & preces offerre, sacrificium Missæ quolibet saltem die Dominico, in quo Deus lucem condidit, & à mortuis resurrexit, ac Spiritum sanctum in discipulos infudit, peragere satagent, facientes, sicut idem Spiritus sanctus per Apost. præcipit, obsecrationes, orationes, postulationes, gratiarum actiones pro sanctissimo Domino nostro Papa, pro Imperatore, pro Regibus & cæteris, qui in sublimitate constituti sunt, & pro omnibus hominibus: vt quietam & tranquillam vitam agamus, pace fruamur & fidei incrementum videamus. Præterea hortatur, vt ieiunent saltem singulis sextis ferijs in memoriâ passionis Domini, & elemosynas pauperibus erogent: in Ecclesia autem cathedrali singulis quintis ferijs celebretur Missa de Spiritu sancto, cum Litanis, & alijs orationibus ad hoc institutis: in alijs verò Ecclesijs eadem die dicantur ad minus Litanis, & orationes: tempore autem, quo sacra peraguntur, colloquutiones & confabulationes non fiant, sed ore & animo, celebranti assistatur: Et quoniam oportet Episcopos esse irreprehensibiles, sobrios, castos, domui suæ bene præpositos: hortatur etiam, vt ante omnia quilibet in mēsa seruet sobrietatem, moderationemque ciborum, deinde cum in eo loco sæpè otiosi sermones oriri soleant, vt in ipsorum Episcoporum mensis diuinarum Scripturarum lectio admisceatur: & familiares verò suos vnusquisque instruat & erudiat, ne sint rixosi, vinosi, impudici, cupidissimi, elati, blasphemii, & voluptatum amatores: vitia demum fugiant, & virtutes amplectantur, & in vestitu, & cultu & omnibus actibus honestatem præ se ferant, sicut decet ministros ministrorum Dei. Ad hæc, cum huius sacrosancti Concilij præcipua cura, sollicitudo, & intentio sit, vt propulsatis hæresum tenebris, quæ per tot annos operuerunt terram; Catholica veritas lux, Iesu Christo, qui vera lux est annuente, candor, puritasque resurgat, & ea quæ reformatione egent, reformentur: ipsa Synodus hortatur omnes Catholicos hic cōgregatos, & congregandos, atque eos præsertim, qui sacrarum litterarum peritiam habent, vt sedula meditatione diligenter secum ipsi cogitent, quibus potissimum vijs & modis ipsius Synodi intentio dirigi, & optatum effectum fortiri possit, quo maturius & consultius damnari damnanda, & probanda probari queant: vt per totum orbem omnes vno ore, & eadē fidei confessione glorificēt Deum, & patrem Domini nostri Iesu Christi.

Proner. I. Psal. 110. Trou. 1. & 2.

Act. 2. Timoth. 2.

Infra in sess. 22. in decreto de obsequ. in celebr. Miss. §. 2. Tim. 3. e Tit. 1. Tit. 3. c. 11. q. 7. cum sim. Conc. Tol. 1. c. 7. Concil. Rheim. c. 17. Fufeb. in 4. decreto, & infra sess. 27. cap. 1. de reform. d. Fufeb. 1. Episc. 3.